

## А ж р и м

(жазони ўташдан муддатидан илгари шартли озод қилиш ҳақида)

2024 йил 15 май куни жиноят ишлари бўйича Қумқўрғон туман судининг очиқ сайёр суд мажлиси Жарқўрғон туманидаги 20-сонли Маданият маркази биносида бўлиб, судья Б.Тагаевнинг раислигида, судья ёрдамчиси М.Қурбонованинг котиблигида, тарафлардан Жарқўрғон туман прокурори ёрдамчиси Ш.Хайитов, Жарқўрғон туман ИИБ ЖХХ Пробаця гуруҳи катта инспектори Ю.Кушаковнинг иштирокида, Жарқўрғон туман ИИБ бошлиғининг маҳкум У.Байкуловга нисбатан тайинланган озодликни чеклаш жазосининг ўталмаган қисмидан муддатидан илгари шартли равишда озод қилиш тўғрисидаги тақдимномасини кўриб ва маҳкумнинг №1-1906-2301/198-сонли йиғма жилдини ўрганиб чиқиб, қуйидагиларни

### а н и қ л а н д и :

Байкулов Уктам Чариевич, 1986 йил 18 октябрь куни Жарқўрғон туманида туғилган, миллати ўзбек, Ўзбекистон Респубикаси фуқароси, маълумоти олий, оилали, 3 нафар фарзанди бор, муқаддам судланмаган, ҳеч қаерда ишламайди, Жарқўрғон тумани, “Ҳайитобод” маҳалласида яшайди.

Жиноят ишлари бўйича Жарқўрғон туман судининг 2023 йил 17 октябрдаги ҳукмига кўра Ўзбекистон Республикаси Жиняо кодекси 277-моддаси 2-қисми “в” банди билан 1 (бир) йил 6 (олти) ой муддатга озодликни чеклаш жазоси тайинланган.

Тайинланган озодликни чеклаш жазонинг 6 (олти) ой 20 (йигирма) куни ўталган, 11 (ўн бир) ой 10 (ўн) куни ўталмаган.

Жарқўрғон туман ИИБ бошлиғи тақдимнома билан мурожаат қилиб маҳкум У.Байкуловни тайинланган озодликни чеклаш жазосини ўташдан муддатидан илгари шартли равишда озод қилишни сўраган.

Маҳкум У.Байкуловнинг йиғма жилдида тўпланган ҳужжатларга кўра, унинг ижобий томондан тавсифланиши, жазони ўташ даврида меҳнатга ҳалол муносабатда бўлганлиги, белгиланган тартиб-қоида талабларига тўлиқ риоя қилганлиги, озодликни чеклаш жазосини ҳақиқатда ўтаб келаётганлиги, интизомий ёки маъмурий жазога тортилмаганлиги ва содир этган қилмишидан пушаймон бўлиб, ўзининг ижобий хулқи билан тўғри йўлга тушганлиги қайд этилган.

Ўзбекистон Республикаси ЖКнинг 73-моддаси 3-қисми “а” бандида маҳкум ижтимоий хавфи катта бўлмаган ёки унча оғир бўлмаган жинояти учун суд тайинлаган жазо муддатининг камида учдан бир қисмини ҳақиқатда ўтаб бўлганидан кейин жазони ўташдан муддатидан илгари шартли озод қилиниши, шахс ижро этилмаган қўшимча жазодан ҳам озод этилиши кўрсатилган.

Шунга кўра, суд маҳкум У.Байкуловга тегишли йиғма жилд ҳужжатларини ўрганиб чиқиб, туман ИИБ ЖХХ Пробаця гуруҳи катта инспектори Ю.Кушаков ва прокурор ёрдамчисининг илтимосномани



қаноатлантириш ҳақидаги фикрларини тинглаб, маҳкумнинг шахси ижобий тавсифланишини, жазо ўташ даврида меҳнатга ҳалол муносабатда бўлиб келганлигини, жазони ўташ тартиб-қоидаларига тўлиқ риоя қилганлигини, интизомий жазо олмаганлигини, содир этган жиноятдан ўзига тегишли хулоса чиқариб олганлигини, ўз хулқи билан тўғри йўлга тушганини кўрсатганлигини, қилмишидан пушаймонлигини ҳамда суд томонидан тайинланган жазонинг учдан бир қисмини ҳақиқатда ўтаб бўлганлигини инобатга олиб, Жарқўргон туман ИИБнинг тақдимномасини қаноатлантиришни лозим топади.

Юқорида баён қилинганларга кўра ҳамда Жиноят-процессуал кодекси 536, 541-моддаларини қўллаб, суд

а ж р и м қ и л д и :

Жарқўргон туман ИИБ бошлигининг тақдимномаси қаноатлантирилсин.

Маҳкум Байкулов Уктам Чариевич ўталмай қолган 11 (ўн бир) ой 10 (ўн) кун озодликни чеклаш жазосидан Ўзбекистон Республикаси Жиноят кодекси 73-моддаси 3-қисмининг “а” бандига асосан муддатидан илгари шартли равишда озод қилинсин.

Ажримни ижро қилиш учун Жарқўргон туман ИИБга ююорилсин.

У.Байкуловга жазони ўташдан муддатидан илгари шартли равишда озод қилиниб, жазонинг ўталмаган қисми мобайнида қасддан янги жиноят содир этган тақдирда Жиноят кодекси 73-моддасининг 5-қисмида кўрсатилган оқибатлар юзага келиши мумкинлиги тушунтирилсин.

Ажримдан норози томонлар ўн сутка муддат ичида шу суд орқали Сурхондарё вилоят судининг жиноят ишлари бўйича судлов ҳайъатига хусусий тартибда шикоят ёки прокурор протест билдиришга ҳақли.

Раислик қилувчи

Б.Тагаев

